



Broj: 0101-1182/17
Sarajevo, 15. 02. 2017. godine

Univerzitet u Sarajevu
Svim organizacionim jedinicama
Studentskim službama



Predmet: dostavljanje promotivnog materijala Erasmus+ projekta „Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori“ svim članicama Univerziteta u Sarajevu

Poštovani/poštovane,

Univerzitet u Sarajevu je jedan od 23 partnera uključena u realizaciju projekta „Tranzicija studenata s invaliditetom od visokog obrazovanja do tržišta rada u Srbiji, Bosni i Hercegovini i Crnoj Gori“ (akronim: *Trans2Work*). Projekat *Trans2Work* uživa podršku Evropske komisije i sufinansiranje Erasmusa+ od 15. 10. 2015. do 14. 10. 2018. godine. Cilj projekta je unaprijediti proces tranzicije od visokoškolske ustanove do tržišta rada studenata s invaliditetom u Srbiji, Crnoj Gori i Bosni i Hercegovini. Neki od specifičnih ciljeva projekta su:


1. kreirati portal koji će povezivati poslodavce, osobe s invaliditetom i osobe odgovorne za razvijanje obrazovnih programa za osobe s invaliditetom na nivou svake partnerske zemlje;
2. obučiti: (a) nastavni kadar na visokoškolskim ustanovama, (b) poslodavce i (c) studente s invaliditetom;
3. ojačati ulogu karijernih centara, te uspostaviti i definirati ulogu mentora;
4. povećati svijest poslodavaca o prednostima zapošljavanja osoba s invaliditetom i motivirati poslodavce za sudjelovanje u procesu tranzicije studenata s invaliditetom ka tržištu rada i povećati broj zaposlenih visokoobrazovanih studenata s invaliditetom.

Projektom je planiran poseban dio koji se odnosi na mobilnost studenata s invaliditetom u zemlje regije u kojima se realizira projekat. Studenti bi realizirali praksu u različitim ustanovama, kompanijama i preduzećima, u zavisnosti od njihovog studija. Cilj ovog dijela projekta je mobilnost studenata s invaliditetom ali i povezivanje visokoškolskih ustanova iz tri zemlje, kako bi se osigurala održivost projekta. Cjelokupni proces će omogućiti saradnju između visokoškolskih ustanova i poslodavaca na nacionalnom/državnom i regionalnom nivou. Projektom je planirano da pet (5) studenata s invaliditetom s Univerziteta u Sarajevu ode na razmjenu u trajanju od dva (2) mjeseca na univerzitete u: Novom Sadu, Podgorici, Kragujevcu i Beogradu. Recipročno, u Bosnu i Hercegovinu bi trebali doći studenti s invaliditetom iz Novog Sada, Podgorice, Kragujevca i Beograda.

Budući da se ciljevi projekta odnose, između ostalog, na studente i akademsko osoblje Univerziteta u Sarajevu, molim vas da dostavljeni promotivni materijal (poster i flajere) učinite dostupnim što većem broju studenata (s invaliditetom) i akademskog osoblja. Važno je da promotivni materijal bude vidljiv i dostupan svima.

S poštovanjem!

PROREKTORICA



Prof. dr. Maida Čohodar-Husić

